



乾隆乙酉重鐫

蓮香集

西城州堂藏版



重刻蓮香集序



蓮香集者前的彭孟陽先生
為魏人張二翁輯其遺稿登
諸名流流連傷悼之什也自
兵燹後板帙散亡迄今百有餘



載騷人逸士鮮 倚鏡其芳馨
 因借同好為之 重開生面未
 始非子秋韻事也 支二齋一舊
 命女子乃以幽情冷韻 廁席
 詞壇玉屑香苑 傾心大雅使

孟陽慷慨義俠之士 批心贈肝
 死生不二而 諸先輩心皆備儻
 非常數氣 宿雪情懷 或為他
 日仗節死難 臣一時尚見之 淋
 漓酣歌 感動奮發 相與嗟歎

遺香集
於生前而悲悽於死後若唯恐
其名之不傳之遠顧竟使
沉沒於荒烟蔓草間也當
亦有心所同悼耳且觀人待
具在視其處己之高用情之正

不可想見其為人乎又曷怪當
日諸名流之傾倒若斯也遂
手錄之付諸剞劂以告天下後
世之有心者
乾隆歲次乙酉孟夏浴佛日

順德梁鈺澧隅甫書



重刻蓮香集捐刻姓氏

黎樸園

梁鑑塘

龍雲麓

何循堂

黃旭園

陳思堂

馮介堂

劉南禺

潘熙上

陳慕亭

陳次文

何孔徽

吳天池

周教敷

羅宇三

潘景最

羅祚翹

薛炳樞

吳萃南

陳永修

何敷庶

蔡超長

劉縉邦

鄭惟上

張景輝

杜次山

陳子瑾

陳和堯

梁厚達

陳儀廷

張崑圃

何式良

黃維千

何端書

馮珮琚

黃廷詔

余天輔

何式康

潘德恭

羅鎮玉

何淮南

周熙元

何崑南

龍憲中

陳又蕃

何隸垣

陳允滂

邵燮廷

劉縉恒

謝又文

胡同謙

梁秉常

李湛五

鄭聖剛

李挺千

薛文熙

陳瞻在

區有倫

林貞博

游軼三

鄭克垣

何穎川

盧茂五

梁繼元

盧騰五

羅建藻

潘宇甫

羅攜芳

陳膺夫

嚴導之

譚躍池

陳和茂

龍洪澤

鄭克踐

羅展文

魯允中

鄭克樵

羅徙溟

談述修

盧清濟

陳作聖

杜朝喈

潘永膺

梁韶後

梁崇喬

梁光後

梁洪昇

梁紹廣

重刻蓮香集總目

卷一

原序 五篇

題辭 一篇

紀畧 一篇

跋 一篇

短

引 一篇

徵詩引 一篇

墓誌銘 一篇

誄文 一篇

喬仙遺影

墓圖

捐植記

卷二

懷仙誌 四十二首

梅坳題石 三首

惻惻行 九首

憶昔行 十三首

雜咏 五十五首

卷三

惻惻吟 一百首

小懷仙 十首

幽芳記 十六首

卷四

喬仙遺稿

五古 五首

七古 三首

五律 十九首

七律 二十九首

五絕 廿首

六絕 二首

七絕 卅五首

詩餘 四闕

卷五

續編 序 一篇

傳 一篇

詩 十首

蓮香集卷一

序

余嘗讀卓氏白頭吟願得一心人白頭不相離
 未嘗不癡之使卓氏與長卿犢鼻當爐歷數十
 年無恙與村夫市媪何異昔為華豔之女一旦
 化為龐眉老婦見之有不唾而棄之乎回首當
 年彈琴相向低幃嫗枕淡然無味之事而已古
 今善取人憐愛心者莫巧於李夫人當婉轉床

第知其病狀必有可憎令武帝索一見而不可
得所以死後有帳中之謔實絲不見其死時一
段醜態也故凡物皆可壽獨美人不可如三春
之花春盛花明春殘花萎令人顧盼徘徊莫可
已其傷心景况惟見穠艷不可久留乃可惜耳
使日日枝頭經風歷雨前日嬌嬈奪目今遂綠
葉蒙陰有何足憐余讀張二喬蓮香艸見其才
情流媚芳心冷韵悠然可思與余友彭子孟陽

善想亦愛其風流佚蕩殊不似青樓娼故纏綿
獨至惜十九而死彭子哀其平日所為詩詞
彙而刻之余謂彭子以此畱麗人芳信可矣顧
乃幽恨徘徊上窮天際下徹冥途縱古橫今撫
時觸候以備寫其懊悼而同社諸君子輒復助
悲為癡情之哭使二喬不死必不得傷懷之句
累累緗帙二喬幸有此一死而當年玉照花明
之美盡在彭子與諸君子哭花句中因以其生

平附諸作者以傳二喬寧復憾耶余不識二喬識二喬於美周所為墓誌中以一薄命女子得諸文人為之繪其生面始知二喬非彭子必不得此於身後二喬之善取人憐愛心更踰於李夫人矣踈烟遠靄香魂飛泊二喬當以余為死後知己也

無諍居士謝長文書

序

昔人作落花詩至五更風雨葬西施之句輒為短氣然以視泣葬一枝紅生同死不同弄玉今身更不知誰真誰幻悟得破時又不須復問倩女離魂何處是真的矣社中彭孟陽先生情種也自麗人張喬委蛻後先生為營馬鬣拾香歛驅士龍賓為麗人瀉明珠千斛二十四番花風一時來作鼓吹十八隊封姨皆充作麗人守塚

三百戶自是烟光慘澹中人人識真娘之墓矣
同社屬而挽之者無慮數十人或乃比之無病
而呻吟不幾令人失笑落花如雨淚胭脂銷不
過幾行玉筋安用如許鼻如廣莫風眼若懸河
決若乃彼自哭亡妾則又不難辨此副急淚爾
予半生學道而每遇花魂無主月魄不滿時未
免蛛性多牽荷絲難殺况先生之為掃眉才子
管領春風者乎昔人云一從明月西沉海不見

嫦娥已十年則此編將為斷香吟乎懷夢艸乎
是耶非耶珊珊來遲一字落紙必化為入土千
年碧也

乙酉除夕前三日嫺禪道人梁祐達題并書

序

詩本乎情非設以為之者也千古惟情不死世
間才人乃世間情種苟其無情莫解之思有時
而既况呵筆抱衾邀歡晨夕者哉蓮香集者彭
子孟陽編麗人張較書遺稿而附以懷仙諸什
也麗人詩才艷異藉甚一時彭子遇之情至篤
死死生生極乎勿二古名士以天賦才情馳驟
於風流綺麗之地遇可意人目授心許不纏綿

徹骨無以結婉孌之局若戎使君之湖上秦學士之長沙歐陽太學之雲髻陳制使之鬢鴉李十八之過旅趙羅生之去家其情其事百世興懷猶令人可喜可悲可歌可泣蓮香諸詩賦懷抑恨感怨之中風艷在焉腐史有言國風好色而不淫小雅怨誅而不亂蘇長公以為龍門此論言乎風雅之變也夫風雅變而離騷繼騷怨情也不怨不可以為情變而適于常耳忠臣孝

子有所以究乎至極而發諸其懷如風入木如泉咽壑使聆之者竦然意悲又未嘗不曠然心感也古今情不相越上溯風人下逮詞史均之才本乎情大非才情薄劣者能辦吾因知彭子之通於忠孝深矣宜其有所興感而動諸詞人之憑弔哉乃彭子則曰吾詩淺近姑質之張喬嗟乎淺近易言乎夫托意淺者寄情深也用情篤者賦才厚也才以情至而蓮香集傳矣

南石居士胡平運題

序

鍾伯敬有言情艷詩到入微處非禪寂習靜人不能理會此右丞西施詠所以妙也予比過石傭黃子觀美道人所為張麗人誌相與歎賞益有味乎鍾語是夜亟過道人復從其案上得彭子所編張麗人蓮香詩讀之幽艷婉麗何啻比紅道人語予丽人似有禪悟者予將喚醒之顧乃夢夢去如彭子鍾情詩與人永政可為世間

尤物作一棒唱予謂麗人死故佳耳有如西施
不泛五湖老醜更欲何為矧廉人復得葬公等
筆花研田間長不朽耶遂題之以質彭子

南州朱統鐳以蘊書

題辭

語曰忠臣孝子無非鍾情之至國變以來余往
見名流中有擁紅粧笑歌為樂者嗟夫此得為
鍾情人哉同為先帝臣子而冬青莫辨禾黍滿
宮當斯時也何鸚鵡喉非杜宇血矧復悠悠度
日正恐美如城北徐公亦將改頭換面坐上如
花人又安知不抱琵琶埋青塚乃徒共作一場
醉夢以斷送之此得為鍾情人哉憶數年前與

彭子孟陽作走馬章臺戲予固已解結索拖弓
弩簇菱花鑄芙蓉彭子亦慧劍疾揮威孤奮振
騷激于懷乃留得斷腸詩為張麗人傳在麗人
生為漢艷死不污於風塵所為以聲色蠱媚人
而致於忘國家之大難者俱不任咎至若彭子
即此一片熱恨已足為君父用余所以望彭子
出而運忠孝大節彭子鍾情人也其詩如此

序

余粵遊得交彭子孟陽意氣深重絕非今人後
見紛紛輕薄感益深交益篤顧謂友道日衰鳴
鶴和邪不如野狐遁正獲所為張麗人蓮香集
讀之觀其刺繡文不欲倚市門而今之蘧篚戚
施彼此俯仰者能張若乎觀其傲睨有躬目無
金夫而今之結交黃金悠悠行路者能張若乎
觀其一人知己九死不恨而今之鋤蘭惟恐當

戶拔蕭惟恐披根者能張若乎且也風流任誕
得意自娛以視夫逐臭尋羶心勞日拙者何如
也且也粉黛蛾眉千秋意氣以視夫博帶袞衣
俄頃風波者何如也且也落落寡合不輕與人
以視夫殺人媚人自命死友者又何如也相彼
鳥矣矧伊人兮可以男子不如婦女嗟乎麤人
可以死矣兩人死可不朽矣彭子可以論交矣
彭子可與論死生之交矣蓮香詩乎貧交行乎

彭子知我決不是彼而非此也

長水李廷芳香生撰

張麗人紀畧

夫人之能自永者惟情為不死古今名義俠烈
居常游處雖饒生韻然事平境順庸人里婦與
國士名媛亡以異也逮夫途窮見誼之死見情
然後錯出其端為千秋繫讀蓮香集重有感焉
蓮香集者彭子孟陽為麗人張二喬編也二喬
標格具詳美道人誌中所未悉者彭子從痛酒
破愁時為予畧言麗人生有天艷好古俠女傳

讀情艷詩環迴離魂斷腸之句掩抑弗勝性不
入俗與群輩處嘈啞滿前兀坐凝睇似都不涉
機鋒一及隨變應酬故逼謹之者終亦無可加
與彭子遊也始遇於蓮香清泛間遂相傾慕尋
為橫暴所排母子濱於險彭子力為拯援用是
盟心知己日益見親雖遠道間出必紆馭款扉
快談片晌始去暇則留連累日瀹茗煎香劈箋
滌硯怡如也芳晨佳夕或吟咏小詩翻書弄筆

惟意所如彭子他之則入還自內調琴較奕分
併女紅柔和恭順不惟家人宜之而喬亦有安
焉之意東洲臨別彭子沉病視候罔間瀕行之
日從外塞博解所獲為湯餌需扶孟陽起櫛亂
髮進新茗從其內假簪珥剗鐳行別無何亦以
病聞彭子垂絕中裁詢病詩寄之有將因爾病
憐予病却恨朝潮隔暮潮及病骨強支烏鵲夜
明河虛負漢槎秋之句麗人三復泫然遣函相

報備極惋惻委蛻先一夕漏下五鼓朗然起坐
取所寄訊病詩呼燈感詠嗚咽長歎浣中散飲
之繼取名筴四握與所借簪珥釧鐲并紅綃詩
共為緘滕遲明屬其母曰允此人家物也即不
起無以治喪窘迫因而破費宜終通還母領之
餘則疏條細事如遠行者之囑其家然尋乃啟
吻微吟昏頽就卧太息遽逝訃聞彭子驚昏愴
悼遣僕馳賻從厚敦事報還於手押緘中得所

誥詩札捧視沈瀾幾為委頓扶病哭以輓詩宣
悲抒恨一字一紅冰也繼而情思所觸魂夢所
交遂成百詠友人黎子輦感其事綴以篇什勒
以誌銘積久成帙因編遺稿彙諸詩合刻之以
告天下之有情者嗟夫世之負才淪落傷心失
志盡可憐也麗人才品若此天假以年成立豈
沂國下哉乃蚤慧無命開落如春英徒餘香艷
令人遙挹耳然不死者情蓮香一集千古深情

也奚論當日更百世下感其事讀其詩猶依稀
神過於聲韻之中麗人端不死矣情史有言缺
陷世界可憾寔繁即令古押衙許虞侯精靈不
泯化為氤氲使亦安能嘿嘿而陰洽之所貴生
逢知己死得其所而已麗人得彭子而世沒名
稱骨香韻遠微麗人無以致彭子深情微彭子
無以彰麗人于不朽情如彭子亦可謂不負麗
人矣

古吳陳上善元者撰

跋

余吳越間窮愁男子也生而情多迢迢為感所
傷遇不得意時相抵觸即流連悱惻怨生於中
文心時為騷激以故几閣中多悲傷文字近乃
浪遊湖海復沉頓於病在群從歡笑中如有所
失意氣錯寞歲月無怡顧廿年鬚鬢向晚不堪
永傷矣從此戒作悲傷文字良以悲者自悲吾
言而聽者誰乎吾言而無與聽是重傷也即世

間悲傷情事亦戒不入耳無益徒增一番勞切
耳彭子孟陽為仙城才士一日邀集艸堂斗酒
相勞酒酣顏熱起步庭堦仰見月華雲成五采
覆天相顧極樂已而彭子對月歎歔似有訴者
出視蓮香集詩槩其情事淒淒黯黯令讀之者
不言而神傷古丈夫生世不諧或逃之詩苑醉
鄉以自雄或逃之婦女聲伎之場以自放然憐
才知己間不一遇加以吾輩矜己自高於衆落

落無所合舉世多相肥誰能念蘆中人耶知我
才者固少知我才不忌者尤少知我才不忌而
能不以貧賤相輕者尤少至於遇難望人解紛
轉眼輒陌路天下男子若此婦女可知如二喬
之於彭子一豪於文翰一篤於君子感恩知己
可謂兼之流布人間寔千秋情種寧止風流佳
話灼灼芳聲應有今古矣獨惜人美如玉命薄
如雲造物不免奇妬天壤之間有此缺事不我

李生寧不悲乎况余老于悲傷人也余哭仲姬於期年之前淚熒熒如一日彭子悼張姬於永背之後心怦怦以長恫李生貧士彭子亦貧士也彭子情傷李生亦情傷也唯我兩人應知此恨吾言而聽者誰乎嗟乎窮愁男子相對悲傷初不作文字也敢比鉅公名人某也誌某也銘哉一往情深可堪千古又未必非貧賤人得力矣

駕水弟李明嶽青來甫題

短引

蓮香集者二喬張較書遺艸出付彭子手較而命斯名識遇處也較書詩懷獨絕豔魄早凋零香斷粉皆成淚譜矣語云蓮心可憐錄遺艸而附諸什仍其名誌痛也嗟乎樓空燕子霜月長懸夢逐梨花曉雲易散從古唏噓傷心一死顧死等也俠者皎皎庸人汶汶湮沒不彰有心所悼今二喬以詩聞矣吞聲一絕猶有餘歎余恨

蓮香集 卷一
來遲不及見之誦其詩知其人予之幸也余客
仙城凡數閱月粵俗豪華知己宴集選妓徵歌
四座如雲履舄交錯酣飲連宵唯我彭子每當
言笑感而向隅蓋返魂無計韋腸欲斷矣嗟乎
情之所鍾正在我輩死者有知巫山飛雨其亦
少慰吾彭子哉余吳人也今言通已道尚繇越
而還孤山蘇小虎邱真娘幽恨纏綿憑吊千古
余將攜是集焚一通於白楊衰艸間夜臺寂莫

應嘆見晚耳

古樓曹開遠彞伯父題於訶林僧舍

徵詩短引

彭日正撰

張喬字喬靖號二喬而小喬喬仙則交遊隨口
相呼也雅好文墨性復閒靜琴書詞翰恒以自
適間亦涉筆作畫商譜學奕洎乎藝苑女紅之
事種種妙詣歌舞直其剩技與韻人飲則復放
誕風流艱深謎令當下能解眉目姣好薦紳人
士多重之十七藉甚十九病死憶春間微恙過
我披閱情史見令賓奉觴索挽事自言我即不

諱當復效之不意遂為竒識秋別東洲值余沉
病時猶再至小齋勤勤問視別未幾亦病往來
互訊而張喬日甚一日奄忽且死死時遺我一
綃一札兼附以詩意緒哀傷余病轉劇江干隔
涉不克走視含殮馳贈無可為情漫題哀詩百
十首質之自恨才溢腸枯不堪成帙懇求海內
名公惠以一言合編遺稿梓而行之俾張喬藉
以不朽此張喬之志也嗟乎張喬蛾眉見妬讒

人孔張九辨招魂祇深侘傺夫以高潔之士素
心入世而多不見容張喬死有令名數雖促庸
不愈乎

詩者張麗人墓誌銘

麗人姓張氏母吳娼也以能歌轉買入粵生麗人體瑩潔性巧慧小即能記詩曲尤好詩詞每長吟唐人銅雀春深句因自命二喬以其本吳女流滯於粵蓋以自況云又喜作吳粧調笑操吳儂語時而弄鏡問影婉轉自憐嫣然不自持也客或謂二喬雙稱也不如以小喬呼之即應聲曰兼金雙璧名有相當因指鏡而笑曰此亦

一喬于是張誕二喬之名雖城市鄉落童叟男
女無不豔稱之以得觀其歌舞為勝喬既長母
欲擇優贅焉顧喬志存文雅思得詞采有心之
人永相屬和時時虞人見奪間有覬為落籍者
每婉轉托辭謂以聲色悅人亦復何所自好奈
吾母鍾愛不能暫離且委身人妻蠅粉可汙燕
巢終在不聊勝於入他人手吼獅換馬又隨風
飄泊哉是以粵三城多豪華子弟以三斛珠挑

之復計買其心堅不為動甚至設機械張畢羅
喬惟舞眉冷哂而熟噴之無已則向大人先生
之風流雅望者使為祝解于時文酒之會則喬
必在脫珥佐觴張燈拂席三城詞壇遂為名花
之藜媚珠之淵避鸚懶子顧亦能為小詩善觴
政操縱雖一花半茗清歡無疲雅善鼓琴往往
人靜夜長忻然而弄好博塞呼賭輒盡輸其金
釵珠璫未嘗肯稍負責於人然亦未嘗以小頓

肯易心向金夫也。廉人可謂加人一等矣。余學
道人也。每社事相期，呵筆捧硯，不能不悲其為
意往歲元宵在都門，于諸公席間傳聞廉人死
爭相與為詩，弔之比暹晤黃子逢，永談麗人死
事甚奇。蓋時在新秋，兩人隨諸優于村墟賽神
為戲，宿於所謂水二王廟者。夜夢王刻期聘之
為妃，醒語其母，泣然悲歎。或歌或吟，皆昔人淋
鈴比紅諸句，果以其時小疾而逝。嗟乎！予往知

廉人故不屈於勢者，王何繇致之？豈甄后凌波
乃符銅雀之讖耶？若夫粉黛何假，美人何真，豔
色等空春花，易謝後之過者，知為丽人埋香處。
明月為鏡，清風引簫，好鳥和歌，蛺蝶自舞，徘徊
思之，亦可以知生死之無常，或有聞唱不因柳
毅傳書，恍然而悟者乎？廉人生于萬歷乙卯年
三月十六日酉時，卒于崇正癸酉年七月廿五
日午時，為年僅十九歲。先是喬母子不于多故

余友彭孟陽居中調護用是知己之感相得最
歡傷其逝也編遺稿集挽章賦蓮香詩百什首
婉悼備極偶堅忍上人為彭子道意於穉恭蘇
先生惠捐勝地卜以乙酉閏六月丙午之吉葬
焉是舉也則石閭何長者與其從子景瑋氏實
董厥成賙贈臨送則黃君虞六蔡君元友陳君
喬生梁君漸子姚君穀符何君文茲蕭君繼六
羅君子開胡君沃宸蘇君忍木何君景奭楊君

行玉梁君懋修吳君惺蓮彭君聲木暨丽人閭
趙璧何文秀王楚生江澹仙郭清如汪一生陳
荆玉趙素雲栢雪松陳永肌徐秋輪錢文如施
碧霞汪妙姑余月生沈奇翠郭崑秀施秀芝周
群芳曹娟娟李若仙陳翠容皆一時侷儻慕義
者也地在三城之北去花田不百里蒼松古石
依枕禪樓遠帶流泉下臨湖水蓋庶幾吳真娘
墓云嗚余為誌以告後人是不可無銘銘曰艷

如火水之妃是耶非耶噫嘻嗟乎兩人之不朽者乃在斯

誄文

穩道人撰

明霞可愛過眼易空春花艷放愁妬酸風緊我
庶人月滿光容歌臺祭酒樂府宗工彈棊品竹
調弄絲桐揮箋染素宜淡宜濃題詩寄意命曲
情鍾吾曹社事捧硯親供憶余蓮渚識女英雄
願言解佩微波似通俄為遠別渺渺仙踪相思
夢隔兩地飛鴻霞箋錦字方勝重封曰祈曰筮
欣望通箋甫酬知願稍話幽衷孤高忤俗雀角

穿墉巫陽峽險灩澦波凶蟠螭釵折蟬鬢如蓬
小姨墮涕阿母憂忡多方調護爰戢蠆鋒感深
知己金斷心同歡忘日月三歷霜冬歲寒清操
蘿蔦依松悲生樂極離病交攻東洲永訣尚寄
綃紅吞聲賦恨振古何窮驚聞遠訃馳殯倥偬
遺言相慰毋大悲儂但圖勝地以托微躬佳城
難訪權寄山中頻年寥落萃怨滋恫歲維乙酉
圻堠烟烽所司下令遄厝蒿叢倉皇逼迫愁恨

填胸幸逢老衲道意蘇公惠捐勝地倚枕花宮
湖山增槩水疊巒重有斯窻窳鄉得所終嗟予
遲暮華髮成翁丁茲國艱灑血無從文章失價
方事從戎無為笑我長世終童長纓可請樽俎
折衝卿其默相奮奏膚功芟荷初服嘯傲歸農
優游卒歲野鹿豐茸春秋伏臘展墓為恭今聊
菲奠卮酒溶溶社人咸在共酌香醲九泉一滴
如醉荷筒卿兮我格歆此荒悰

張麗人小影



瑞金賴淑摹

似花如火總難工
樓臺楊柳想
像中可與月
以多入夢故教手
載識春風醉
君生死托知音為寫
七弦思不禁
多少曲角便論
首
夜臺休更寫
春心


西城子題

張麗人墓圖

坊同青州
冢南似素
齋斜
終古芳魂在
依
依為淨客

順德梁

鈺澧隅補書



花散菖蒲人
已葬悲風淒
斷萍濤續
穩道人題

右地鹿番禹去縣治十七里繇東門出山口
 轉北直行渡小澗折而西經蚺蛇坑過蘇庄
 度石橋再北轉西土名象坑小梅坳者是也
 附近寶象林紫竹洞普賢庵雙溪別峰諸勝
 俱堪眺咏蓋異境云

山中捐植記

何介卿

梨花一樹馬櫻丹二株

蔡元友

紫微二樹桂花二樹

紅梅一樹醉芙蓉三株

潘積之

百合十本

黃虞六

含笑二株粉團花一株

容明子

香柚二樹梧桐一樹

姚穀符

海棠四株玉簪十株

彭仲垣

榴花二株射干十株

梁漸子

山茶花二株明春十株

蕭繼六

扶桑花二株十段錦廿本

羅子開

葡萄一樹刺桐二樹

楊奇玉

木筆花二株

陳喬生

桃花一樹

彭象初

夾竹桃二株綺羅蘭十本

胡耀卿

映山紅六株鶯粟花十株

楊行玉

木香花十株金錢菊廿本

梁沃宸

臘脂毬十本

彭聲木

小玉花四本

蔡幼恭

木槿花二樹楊妃菊廿本

吳惺蓮

夜合花十株黃蜀葵十本

何景璋

木棉花二樹萱花三百本

蕭偕六

長春花十株

彭象生

露榭二樹

梁懋修

碧桃花一樹蝴蝶花十本

釋孟容

宮柳二株

釋堅忍

波羅一樹

彭孟陽

燕脂十本碧桃三根虞美人十本柳二樹七姊妹十株杜鵑花十株水仙花十本芭蕉八本含笑六株百合十本指甲三株木芙蓉三株梅六本相思一樹善提一樹女羅一株

